



常山文集

五

和
1498
五

早稻田大學附屬 圖書館	
寄第	一
漢詩文	
第	420 號
第	2 卷
此書館不外許帶出	




和16
1498
卷2



常山文集卷之三

詩

權中納言從三位源朝臣綱條輯



五言律

那珂港舟中作

黃梅時節雨。三五待晴遊。風度脹帆腹。雲垂
傍艇頭。水中魚潑潑。天外浪悠悠。枕藉聊堪
樂。酌杯消旅憂。

智積院泊如上人。偶訪我後樂園。晤語
 移時。敲推前席。纔得半日之閒。永締
 方外之交。明日蒙惠小律一章。披誦
 鏗鏘有金玉聲。就求賡和。強成俚語。
 以塞其責。唯恐狗尾之續貂魚目之
 混珠。點劑惟幸。

慙慙蒙枉顧。光彩照茅亭。談理點生石。學詩
 趨孔庭。煙樊青柳圃。風起白蘋汀。仁者無量
 壽。何論龜鶴齡。

賀道顯源老八袞初度

大田前備中守源
資宗致仕號道顯

八旬華誕節。南極示祥昭。願養期千歲。在官
 歷四朝。子孫承積慶。松柏秀清標。春酒介眉
 壽。年高德亦劭。遊旌櫻寺。稅駕杖藜步。老櫻今向榮。根蟠諸葛跡。花動
 義家旌。雲過香精舍。風和雨素翼。日長春易
 暮。樂只作麼生。

季秋念六日。順菴木下叟訪我後樂園。
 始挹芝眉。暫接清談。只恨相識之晚。
 矣。偶賦鄙言。以投几右。
 才名霓望久。既覲我心夷。相識無新舊。以文
 互切偲。菊高霜雪操。松逞棟梁姿。從此花之
 月。莫違後會期。

芙蓉

肅殺不能傷。芙蓉獨施妝。錦沾窗外雨。紅拒
 夜來霜。秋後呈光彩。風前結絳囊。池蓮雖敗

盡寒木逞穠芳

遊垂絲櫻下

線櫻絕比倫。裊娜滿庭春。花吐無煙火。條垂
 綴玉紳。清香黏墨客。墜緒繫遊人。不耐楚腰
 細。芳英舞艸茵。
 送朝鮮國通信正使尹趾完

萬里勞來聘。三韓尋舊盟。衣冠皆駭矚。艸木
 亦知名。遽爾已臨別。黯然不盡情。鄉人若相
 問。文物屬昇平。

送朝鮮國通信副使李彥綱

星軺持使節。敦好結交鄰。邂逅言雖異。慇懃情尚親。寄詩推李杜。分袂隔胡秦。今日君歸去。長為遠別人。

送朝鮮國通信從事官朴慶後

雞林交際久。銜命使扶桑。盛禮復難得。良緣不可常。綠陰辭舊里。黃菊感他鄉。殘夢屋梁月。相思幾斷腸。

堆土為山。坳地為池。艸木圍遶。魚鱗物

躍。於是拈筆吟歌。開宴勸醉。賢主嘉賓。四美二難。誠千歲之佳遇也。余賦

五言唐律。以寓一時之感興云

窻外劚莓苔。眾花手自栽。鑿池清泛漱。疊石勢崔嵬。何處負山去。中庭縮地來。主人書倦讀。日日立徘徊。

見劚雲江君舊詩卷有感

永井信濃守大江尚長號劚雲

江君雖早世。名不朽郊原。月隱劚雲暗。風悲

蕪露繁。穴憂滂。注淚。橋立黯。銷魂。匱底遺文
在。讀來聲幾吞。

新樓秋望

今復起樓閣。八絃指顧中。欄干臨碧岸。檐角
切蒼穹。濯足長流水。開懷萬里風。悠然伸遠
望。能樂與民同。

富士山

分探心越禪師富士雪
添肥下一句為韻得添字

太古山頭雪。年年華髮添。倒懸雲母扇。高揭

水晶簾。二女舞言道。白鵬覓景瀛。萬方皆仰
止。冰柱峙三尖。

初冬十一日梅竹墩大友兄訪予山莊

賦詩因次韻

大友新五郎源
義泰號梅竹墩

地幽人跡少。獨樂考槃寬。偶喜籃輿過。更忘
蓮漏殘。結交交尚淡。乘興興何彈。雅曲高砧
耳。撚鬚病和難。

驢馬

小驢覓望久。幸到自高麗。鳴憶戴良孝。騎吟
鄭縻詩。聞音分早晚。得句作敲推。老後愛其
靜。何求千里騏。

曾聞駿府有冬櫻。予渴望也久。府吏大
久保君分惠一樹。培之灌之。且視暮
無。今冬始華。不堪愛玩。賦五言一律。
以戲簡之。

白櫻冬爛熳。一樹漏春慳。奉詔長真膽。尋芳
掖上山。香凝雲片片。葉茂雪斑斑。造化私天

巧。此花獨駐顏。

貞享丁卯元旦

海內時無事。春遊忘止戈。嫩鶯含梵唄。新蝶
舞天魔。霞助行頭色。風吟戲子歌。呆然如木
偶。默坐養陽和。

春有仁德

春王仁德廣。僉曰四三皇。習習惠風暢。熙熙
麗日長。民蒙寬大詔。物點化巧妝。天寵降恩
露。艸萊盡向陽。

春日會梅花下禁體

年後被寒逼。此花獨逞妝。北南私物候。開落異春光。白鶴橫窓瘦。黃鸝踏雪香。風搖枝上玉。不敢聽玲瓏。

別墅雜詠

擇地蒲田北。占居江戶東。長松懸素月。脩竹扣清風。視世眼生白。顧年顏退紅。歡從營葺屋。永作主人翁。

牡丹窩大友兄。遊吉元常宅。玩殘菊。即

席賦五言律。余感其敏才。他日次韻。

且發似之。林路雨不心。莫山欲暮無。林路

大友孫三即源親里號牡丹窩

就荒三徑下。來賞傲霜辰。青眼忘年友。芳情終日親。酒筵開有秩。菓茗雜而陳。詩律皆高雅。細評叩杜彬。
浮船淺艸川。翫岸上藤花。掃岸日散葉。尋藤遊淺艸。解纜放江干。水影倒羅帶。岸頭我紫冠。慨歎二鼠藪。屈曲長蛇蟠。梢似玉繩。

引。不維春日殘。

九日偶懷

逆旅登高會。開懷萬里風。大津翻浪白。薄葉
歷霜紅。獨秀一枝菊。孤飛片影鴻。三五桑落
酒興入。醉鄉濃。

大津薄葉

二村名

發礪原

且發礪原驛。行程雨不收。望山滔霧海。橫路
揭川流。泥滑没人跡。雲低傍馬頭。愁霖猶未

霽。連日恐妨遊。

落葉

秋。老霜楓晚。斜陽映錦茵。追風飛彩蝶。遶徑
疊紅鱗。林缺山排闥。葉疎月作鄰。春花驚落
木。光景轉奔輪。

風。季秋念日。吉元常和予題落葉詩。吟之

賦。翫之。琅琅璨璨。於是再步前韻。以述

東不美。絲岡雜興云

君子林中趣。燒紅酌醉茵。楓衰漁錦色。松老

常山文集 卷之三 八
起蒼鱗。窻聚孫康雪。溪尋杜甫鄰。蕭然茅店裏。不羨美哉輪。

題白藤花

風温藤卷幄。亂縷拂庭清。盤曲白蛇結。參差粉蝶輕。冠纓垂刺眼。佩玉動無聲。滋蔓縱纏木。莫牽諛佞名。

心越禪師投短律一篇。賀予致仕歸常州。卽席賡芳韻。

將結香山社。挂冠辭洛陽。身兼塵世遠。心與

野雲長。寂爾書牕靜。恍然燈影雙。考槃巖谷士。鼓腹食虞唐。

謝男九成遠寄紅牡丹。切體

牡丹三兩朵。遠寄富閑幽。日炙珊瑚樹。天香錦繡毬。魏紫不能奪。馬紅亦可羞。壁間添顏色。旦暮慰吟眸。

鄰寺避暑。用洪武韻

偶攜三友。避暑梵王宮。地靜心逾靜。興濃情亦濃。池無田蚡熱。室有少林冬。樹密隔天

日開懷般若風。致仕明年秋之仲。鎌倉瑞泉禪寺大忠
 西堂振錫遠來。叩我西山柴扉。言迎
 共語。閨中又得一閑。席上被示一律。
 因繼其韻。以似猊座下。法水泉呈瑞。派流自義玄。說來門乍啓。話舊
 座相連。句美藍田玉。和難白雪篇。夢窓窓外
 月。萬古一燈傳。

別賦一律。餞其行裝。

高僧飛錫至。空谷喜茫然。方外懷懷一。四床
 了了元。風來為掃地。水淡閑談禪。愧我非仁
 者。送師無以言。

江林禪寺仙洲長老訪我山莊。即席賦
 川八一章。見寄焉。於是次其韻。
 偃息西山下。清閑足一丘。山重千岫疊。雲遶
 四鄰浮。扇挂風扇月。枕涼夏枕流。讀書消白
 日。不欲學而優。

季夏遊勝樂精舍白蓮池畔

乘涼過勝樂。蓮發吐清香。葉捧碧羅笠。花傾
白玉觴。出泥浮兔影。割雪罩蜂房。酒賑遠師
社。更斟興未央。

上大方高岡安積覺偶來會

遠人偶來止。解后喜相逢。話舊多情密。上高
萬景供。稻田翻翠浪。松蔭冷金風。終日屢斟
酒。更澆磊隗胸。

宿石塚旅館

前程三十里。泥滑沒蹄痕。遙指小松寺。宿投

石塚村。雨過秋色冷。風動市聲喧。高枕不能
寐。終宵扣酒尊。

再用前韻和安積覺

杖藜敲丈室。步履印苔痕。裳濕黃花露。錦橫
紅葉村。山深遊世外。境靜避塵喧。談密交情
密。共傾般若尊。

舟中即事

放船夕景好。直下夕慈川。鴈字寫沙上。漁蓑
晒日邊。風微罾偃水。波靜棹穿天。一醉一尊

酒。豫遊忘世緣。

禪智院通上人。暫挂錫。久昌談林。已已

之秋。辭歸之鄉。今茲癸酉仲冬。為修

先妣追福。請為導師。事竣而去。臨別

揮淚。作詩代贖。

昔從萍水散。寒暑五回移。倒履情猶密。盍簪

心則夷。一朝師復去。再會我難期。今也老頻

逼。切於往歲悲。

次韻堀田一宜別莊所揭心越禪師詩

曾欲結蝸廬。沙村刈艸蕪。遷喬鶯谷出。起塞

鴈南圖。一鏡窻前挂。片帆雲外孤。遙思年少

事。蝶夢老翁鳧。

元祿甲戌之仲春。予蒙鈞命。寓武江。聞

五月。啓西堂。忠西堂來訪。旅舍歡迎。

執手。垂青話舊。未幾各還山。下官賦

小律一章。寄兩西堂。兼簡覺室月堂

云

振錫武江邊。引吾共旅筵。忽逢何忽別。同出

不同還。獨對屋梁月。幾望日暮天。師今侵暑去。風露用心專。

遣大串元善于京師。搜索殘編斷簡。孟

冬上浣。發軔江府。臨祖帳。贈律詩。

淡交風月友。詩酒幸相於。艸艸離群鹿。時時寄鯉魚。就家求覆醬。穿壁搜遺書。他日子歸日。幸來武帝車。

龍泰禪院種月師。頃訪予江左。僑居茗

曾大。話未央。匆匆而去。信口賦詩。臨別為

賦

僑居驚啄木。相邁共心夷。聞法攀烏鉢。開眉接紫芝。孤雲歸舊岳。千里寄生涯。傾瀉袋田瀑。請君洗我詩。

戶塚村即事二首

得籬字

既從離舊里。全視四時移。避鬧石川去。探幽戶塚來。遠鯨度野寺。斥鷃翔藩籬。知足何求外。地閒好養癡。

熟思遊樂古。瞬息八年茲。今歲又來止。往時

不識之。松高風戛瑟。梅瘦月橫籬。曝背斜陽夕。凭牕撚白髭。

乙亥元旦 元祿八年

宿醉臘餘酒。足哉何外求。煙霞皆我有。花鳥是朋儔。暖發告春曆。老催藏壑舟。年來來去。無喜又無愁。

東風縹柳送野傳歸。江戶。翠線繁。春愁千萬。疊浪紗窻下。日溫柳影輕。條柔何繫馬。葉少不藏鶯。露濕黃裳重。風縹翠線繁。春愁千萬。

縷。縮出別離情。

蓮池即事

蓮發西山下。探支世上秋。迎風傾碧蓋。抽浪躍紅毬。翠管清香度。玉盤白露浮。池邊橋上宴。對酌拂吾愁。

賀九成四十初度

始仕富春秋。宦途挹大猷。功名長不朽。人世久難留。勿謂顏回短。奚為彭祖籌。我聞仁者壽。何願亦何求。

夜宿江畔寺得深字

寺在遠江畔。四檐疊翠岑。僧煎茶出迓。客取酒更斟。殿古煙霞鎖。境幽歲月深。清談沾玉露。較覺滌塵襟。

季秋念八日。過江林禪寺。庭有長松四

五株。翠蓋蔽檐。銀濤清耳。賦短律一

章。似仙洲長老。

秋日訪幽寺。松園綠疊層。風音吹浪起。境致入門增。清蔭約禪社。淡榻避俗朋。為明如所

誤。分助最初燈。

遊西明寺

度嶺分白雲。富景養清貧。窻廓涵東海。樓高摘北辰。鳥禽啼近客。猿鹿狎求人。泉有潮音響。派流洗俗塵。

和知苗題摩訶衍庵韻

容膝把茅庵。安於險處參。而今聞善宿。何日共清談。與樂單丁寂。孰分法味甘。請師姑挂錫。益友好求三。

秋山如妝

我苦秋陽晒。徐徐依牖窺。雲間橫翠黛。霜氣促胭脂。山聚西施美。月凝姑射肌。悠然遙放眼。晴好雨還奇。


緇素交會

緇素兩三輩。今宵交盃箸。座間飛逸興。爐底撥溫談。松嫻垂青色。杯盈浮白醑。味禪清齒頰。喫了永餘甘。

常山文集卷之三終

常山文集卷之四

權中納言從三位源朝臣綱條輯



詩

五言律

三月十一日玩櫻花於伊藤友親亭。今日催櫻會。遠檐錦疊霞。林頭呈妖艷。天口吐芳葩。何擊明皇鼓。未來邵子車。好培根灌。水羽翼此飛花。

支親參預國政。故寓微意。

陪嚴有公十七年忌法會敬上香退
灑淚不堪哀慕恭綴俚詞以伸鄙懷
從有公辭世破瓜加一年感時過眼鳥懷
舊斷腸鶻執政纔三十浴恩者數千音容常
在目淚滴洒昊天

遊大田蓮華寺賦僧房夏景

夏日偶侵暑凭筇一佛場梁高巢燕語樹密
老鶯藏境靜心還靜風涼身亦涼幸斟甘露

水洗我惡詩腸

和太忠西堂僧房夏景韻

乘涼遊此寺寺在翠微間竹洗薰風奏苔深
午院閑賦詩文韻脚酌酒色衰顏清話拂塵
慮豁開玄妙關

遊村松觀月昇東溟

扣鞍遊此地空藏殿堂新月出村松海風清
正木濱雲橫雲碎玉浪動浪淘銀設席白沙
上終宵酌醉醇

村松村有虛空藏堂正木湖名
客夜 宿黑澤村

離家數十程。黑澤暫留行。村狗向人吠。宿鳥噪月鳴。砧聲添客恨。燈影照孤惺。輾轉不能寐。幾回鄉夢驚。

酒泉弘偶訪予。西山時維重陽節。晤語

久望鴈音少。來賓喜既違。未枯武野州。始悴西山毛。幸是重陽節。自登斷岸高。偶然須以

對酌菊花醪

宿常寂光寺

行行山路昏。投宿扣桑門。梵唄清心耳。曉鐘驚夢魂。燈幽膏冷焰。酒盡枕空樽。四大皆吾有。如何借了元。

野亭卽興二首

在潮來村

偶登此一丘。多景射雙眸。鯨吼響長勝。鳥飛破總州。拈毫何苦意。酌酒共消愁。今日樂須盡。有誰期再遊。

常山詩集 卷之四 三
驅景扣山丘。物皆烟著眸。和詩吟白雪。打酒
牧青州。天籟風驚夢。雨絲春織愁。年年如有
意。相約幾來遊。

上巳之節。攜緇素四五輩。遊松倉山大
聖教院。寺在山之半腹。攀巖度羊
腸。放眼遠境。櫻桃杏梨。亂漫處處。就
中庭前芳櫻木古圍大。奪人眼。於是
拈筆亂道。

春色盈山野。乘時扣梵宮。櫻開珠抱石。桃笑

火燒空。分葉松間雪。傳香蘭若風。花惟方外
友。相矢意無窮。

湖上遠望 寬政武亭

杖藜遊此地。今日上高臺。仙桂千波影。菱花
一鑑開。金鱗浮躍躍。白鳥淨皚皚。放眼四維
外。樂哉亦快哉。

和會三比丘巖谷山。卽興
探幽巖谷下。遶寺水聲微。窻照真如月。風敲
般若扉。霧迷沾積翠。山允止斜暉。佳境膠行

客。彷徨不許歸。

季春十八日觀神崎寺櫻花

山櫻春引杖。步扣梵王宮。埋綠松間雪。散花
蘭若風。幢幡翻白動。瓔珞帶香濃。人世幾日
日。頻斟樂可窮。

六月四日。攜緇友素朋四五輩。遊久昌

寺塔頭是作房。山幽地靜。佳致適意。

於是投鉛槧賦小律

偶遊山寺下。引杖緩過廡。挑盡一燈火。讀殘

八卷經。窻含松柏綠。門對稻梁青。蟬蛻人間
事。心閑我忘形。

和僧卽中賀予誕日詩

忝臨蓬華下。欵曲接光風。顧我如朱槿。有誰
比赤松。更斟甘酒旨。醉嚼壽詩濃。今歲者希
過。既知命漸窮。

夏月

皎兮山上月。光彩玉前楹。不見流螢影。唯聞
喜鵲鳴。雲收涼氣爽。夜靜露華清。久雨乍晴

後。書窻始得明。

山家秋興

得清字

灑露艸庵裏。寒蛩遶枕鳴。透簾涼氣細。入座
月光清。宋吐悲哉辨。歐驚來者聲。夜長嘆老
矣。輾轉夢難成。

鹿島宗長蓄唐蓮。今年始生雙頭。七月

二十一日予觀焉。偶啓和尚來會。共

愛花賀瑞。各述志以韻云

芙蓉今示瑞。分艷共同莖。大小色爭美。夷齊

香益清。紅衣浮水潔。綠蓋受風輕。池浸連不
影。雙雙花弟兄

山寺翫十三夜月

山深霜葉早。引杖扣經禪。地靜桂花會。星稀
籬菊邊。衰揚今夜月。壓倒仲秋天。一鏡二分
缺。影盈萬八千

鈴木勇山隱士。水戶城西七八里許。築

別墅。家中號勇山。有飛泉。曰聽水

巖。後園曰祐養園。構小庵。曰遠塵軒。

皆心越師所揭也。余一日遊于此。隨

見隨聞。信手信筆。漫道以寄主云。

適意勇山致。考槃寂寞濱。耳清聽水耳。仁輔
樂山仁。日靜近仙境。軒幽遠俗塵。浩然遊物
外。祐養彼天真。

早梅

斗南行極日。窮次一陽來。委地碎金菊。篆林
小字梅。清香殘臘動。芳蘂忍冬開。月盡橫斜
影。寒窗春暗催。

舟中偶作

含風帆滿腹。多景飽無邊。舟迹分離水。棹搖
衝破天。雲間賓鴈到。沙上獨鷗眠。聊就酒家
買。一盃了萬緣。

予偶過潮來村。寓石田昌長宅。庭有長
松樹。礪礪鬱鬱。千年之物也。予羨為
此主人。胡盧

羈宿石田宅。亭亭庭有松。倚陰忘九夏。凌雪
秀三冬。偃蓋來巢鶴。盤根驚卧龍。能持君子

孫等受大夫封

二月十四日佐原道中

潮來棹小舟。波上士峯浮。飽滿長汀腹。高擡老子頭。送寒風萬里。閱歲雪千秋。自入宋瀛。與移入三國。尤

舟中偶作

常陽波逆浦。壯觀甲東關。微動風紋浪。半消雪綵山。築波築水上。浮島浮雲間。環景黏行客。止舟不許還。

晴

雲外雷車輾。電鞭扣竹扉。雨晴巖泚頽。池溢水添肥。於初群魚躍。于飛巢燕歸。四山分潤色。檐滴碎斜暉。

夏蟲

探題

絳涼林樾上。蟬發最高枝。朝噪庭槐嘒。夕鳴宮樹噫。稍生行客恨。輕蛻羽人尸。孺子昔時諫。好遺千歲規。

涼風至

探題

晚來乘灝景。牽杖步郊墟。籬菊花猶未。井梧
葉落初。風涼鳴蟋蟀。天朗躍蟾蜍。永夜親燈
火。牕前好讀書。

菊 禁體

重九復重九。清香助豫游。白衣送酒去。玄蟻
滿盃浮。片片雲含雪。熒熒星欲流。霜輕猶未
素。高節一叢秋。

閏九月十三夜

喜逢秋末閏。望減二分時。雲走漏孤影。天高

挂半規。星稀荒徑菊。月照傲霜枝。亦復繼華
宴。會朋屢舉卮。

山家紅葉。日暖霜林下。霞衣襲錦袍。葉零迷蟻穴。木密
散猩毛。地冷風猶冷。山高秋益高。紅楓繼短
晷。更不借焚膏。

雪。天曙書窗下。雲與飛王龍。夜聞蠶咬葉。曉見
鳥巢松。寒鎖戴陽日。鹽翻薄暮風。我今方外

士。無奈賑民窮。

元祿己卯之歲。迎致常寂周上人。董三

昧堂講席之日。詠和歌以述志。予再

三吟哦。不忍釋手。揭和歌之末燈字。

為韻。賦律詩一章。以代疏云。

山上宗風起。飛揚最大乘。學窻含雪月。法水

辨淄澠。高照暗迷路。勤挑大智燈。迴狂瀾。既

倒。陶冶萬方僧。

舟中口號

風帆龍鷁走。止棹放吟眸。船向西南泝。水分
左右流。篆沙漸片雁。翻雪散群鷗。遙縱悠然
眼。舉盃以豫游。

賀中院前亞相古稀初度

七旬華旦月。南極爛儲精。轆轤蒲輪輾。欣欣
槐木榮。嚴霜高氣節。藝圃擅歌名。仁者元惟
壽。何為羨老彭。

四月四日。佐治元達始謁我艸庵。茗話
之次。綴短律以戲云。

常山文集 卷之四
巖栖深谷裏。不意雅賓臨。松古傾青蓋。水流
知玉音。黃鶯求友語。玄蠹助孤斟。既滴清談
露。斯須洗我心。

跡木山家紅葉席。倚窗縱四顧。斜日炙丹楓。短景天難暮。殘霞
澗飲虹。霜林浴露麗。風葉滌秋濃。早撥冬山
睡。醉妝枕破紅。

病中偶作二首
地僻無人訪。紫然獨樂天。挑愁燈火下。煎病

藥爐邊。眠少添宵永。情空了世緣。曾吞駢拇
恨。奚不促終焉。
久被煙霞犯。日衰倦屈伸。誰求湯藥力。曷寄
水漚身。命本有前定。病元感宿因。願將醫國
手。開域壽斯民。

常山文集卷之四終

